

PROGNOSTICA I. RATIONE GENERIS,

Om̄nis sanguinis fluxus immodicus, nocet plurimum. Ex hoc enim, in corporib. biliosis, facies citrina evadit, ebulliente bile, sanguinemq; residuum adurente: In pituitosis pallida & plūbea: In melācholicis, fusca, & sæpius in omnib9 mortuorum colorem producit, spiritib. absumentis. Præterea, extremitates refrigerantur, lipothymia & syncope accedit, interdum mors subsequitur, imprimis, dū magna sanguinis copia brevi tempore egreditur. Ubi v. multa copia plurib. diebus fluit, paulatim hepar refrigeratum debilitatur, ut cachexia, tabes & hydrops succedant, juxta Avicennam. Quàm periculosa, Critica superflua, & symptomatice fit, ex dictis palām est. cum vires sensibilibus deiciat, ac infirmum, ex plurima vacuatione, ad mortem ducere videatur. Magis etiam periculosum est, si sanguis syncerus exeat, nam tunc major est recessus à statu naturali, & vires deficientes sanguine, non resistunt. Pejus quoq; malum semper est, si putridus effluat, tunc enim & motu & substantia peccat, Quæ, sicuti morbum curatu difficiliorem, ob indicationes contrarias, ita periculosiorem reddunt. Sanguini putrido, quoad periculum succedit serosus, deinde acris, tandem copiosus.

II. RATIONE SUBJECTI seu loci affecti, hæmorrhagia alia magis, alia minus periculosa existit. Gravius utiq; malum est, si prodeat per partes internas, quia non ita cedit materiis medicis: gravius etiam, si ab arteriâ, quàm si à venâ, nam difficilius sistitur, propter impetum sanguinis, præterea, magis vires succumbunt. E naribus quæ fit, non tam adversa est biliosis, quàm pituitosis & melācholicis, teste Avicenna. Hi enim sanguinis profusione magis refrigerantur & debilitantur. Quibus sanguis multus è naribus profluxit, si quidem immoderate decolorationes adsunt, iis parū confert. Qui v. prærubro sunt colore, non eodem modo afficiuntur: & quibus caput facile tolerat, prodest, quib. v. secus, minimè. Hipp. 6. Epid. s. 6. Narium hæmorrhagiam nimiam in Causode & febre malignâ, aliquoties observavit lethalem CL. Höchstett. In febre ardente, fluxio sanguinis è narib9 quar-